

季布欒布田叔傳第七 漢書三十七

漢 護 軍 班 撰

唐議美行秘書監裴縣國學顏 師古集註

季布傳

季布楚人也為任俠有名 應劭曰任謂有堅完可任託以事也如淳

日相與信為任同是非為俠師古曰任謂任使其氣力俠之言挾也以權力俠輔人也任音人禁反俠音下頰

反。宋祁曰俠疑作挾注文力當作也 項籍使將兵數窘漢王 如淳

曰窘困也師古曰窘音求門反 項籍滅高祖購求布千金敢

漢書卷三十七 欒布田叔傳 第七 漢書三十七

有舍匿罪三族師古曰舍止匿隱也布匿濮陽周氏周

氏曰漢求將軍急迹且至臣家師古曰迹謂尋其蹤迹也

能聽臣臣敢進計即否願先自剄布許之

廼髮鉗布衣褐師古曰衣著之也置廣柳車

中服虔曰東郡謂廣轍車為廣柳車鄭氏曰作大柳衣車若周禮喪車也李奇曰廣柳大隆穹也晉灼曰周

禮說衣翬柳柳聚也衆飾之所聚也此為載以喪車欲人不知也師古曰晉鄭二說是也隆穹所謂車蓋者耳

非此之謂也并與其家僮數十人之魯朱家

所賣之師古曰朱家魯人見游俠傳朱家心知其季布也

買置田舍乃之雒陽見汝陰侯滕公師古曰夏侯嬰也本為滕令

遂號為滕公說曰季布何罪臣各為其主用

職耳師古曰職常也言此乃常道也一曰職主掌其事也項氏臣豈可盡

誅邪今上始得天下而以私怨求一人何

示不廣也且以季布之賢漢求之急如此

此不北走胡南走越耳夫已心壯士以資其敵

國此伍子胥所以鞭荆平之墓也師古曰子胥伍員也

荆即楚也子胥之父伍奢奢為平王所殺子胥奔吳殺吳伐楚平王已卒其後吳師入郢子胥掘平王之墓取屍

鞭之二三百也。○宋祁曰荆平字君何不從容為上

言之師古曰從音千容反滕公心知朱家大使意布匿

其所乃許諾侍間果言如朱家指師古曰侍侍於天子

多布能摧剛為柔師古曰多猶重也朱家亦以此

名聞當世布召見謝拜郎中○宋本云浙本拜字下有為字

孝惠時為中郎將單于嘗為書嫚呂太后

師古曰嫚謂辭語褻污也嫚讀與慢同太后怒召諸將議之上將

季布

軍樊噲曰臣願得十萬眾橫行匈奴中諸

將皆阿呂太后師古曰阿曲也曲從其意以噲為然布曰

樊噲可斬也夫以高帝兵三十餘萬困於

平城噲時亦在其中今噲奈何以十萬眾

橫行匈奴中面謾師古曰謾欺誑也音嫚又音莫連反且秦以

事胡陳勝等起今創痍未瘳師古曰痍傷也瘳差也痍音夷

瘳音丑留反噲又面諛欲搖動天下是時殿上皆

恐太后罷朝遂不復議擊匈奴事布為河

大乃九十五

東守孝文時人有言其賢召欲以為御史

大夫又言其勇使酒難近應劭曰使酒酌酒也師古曰言

因酒霑洽而使氣也近謂附近天子為大臣也。宋祁本云一本又言字上有人字至留邸一

月師古曰邸諸郡朝宿之舍在京師也見罷師古曰既引見而罷令還郡也。劉攽曰見罷

猶言見逐見弃耳非引見也布進曰臣待罪河東陛下無

故召臣此人必有以臣欺陛下者師古曰謂妄言其賢

故云欺也今臣至無所受事宋祁云一本無受字罷去此人

必有毀臣者夫陛下以一人譽召臣一人

季布

毀去臣臣恐天下有識者聞之有以窺陛

下師古曰窺見陛下淺深也上默然慙曰河東吾股肱郡

故特召君耳布之官辯士曹丘生數招權

顧金錢孟康曰招來也以金錢事權貴而求得其形勢以自炫耀也李奇曰持權屬以請人顧以

金錢也師古曰二家之說皆非也言招求貴人威權因以請託故得它人顧金錢也。劉攽曰招權謂作為形

勢招權歸己也顧金錢者謂志在金錢也顧猶念也事貴人趙談等李奇曰

談也。宋祁云越本談作同與竇長君善服虔曰景帝舅布聞寄書

諫長君曰吾聞曹丘生非長者勿與通及

曹立生歸欲得書請布

師古曰欲得寶長君書與布為已紹介也

寶

長君曰季將軍不說足下

師古曰說讀曰悅

足下無

往固請書遂行使人先發書

師古曰使人先致書於布發視也

布果大怒待曹立曹立至則揖布曰楚

人諺曰得黃金百不如得季布諾

師古曰諺傳也

足

下何以得此聲梁楚之間哉且僕與足下

俱楚人使僕游揚足下名於天下顧不美

乎

師古曰顧念也

何足下距僕之深也布乃大說

師古

季布

曰說讀曰悅

引入留數月為上客厚送之布名所

以益聞者曹立揚之也布弟季心氣蓋關

中遇人恭謹為任挾方數千里士爭為死

嘗殺人亡吳從爰絲匿長事爰絲

師古曰絲爰盎字言

以兄長之禮事也○宋祁曰浙本注文也作之

弟畜灌夫籍福之屬嘗

為中司馬

如淳曰中尉之司馬

中尉郅都不敢加少年

多時時竊借其名以行

師古曰詐自稱為心之賓客徒黨也

當是

時季心以勇布以諾聞關中布母弟丁公

晉灼曰楚漢春秋云薛人名固師古曰此母弟為同
母異父之弟。宋祁曰浙本注文無之字有也字。為

項羽將逐窘高祖彭城西短兵接漢王急

顧謂丁公曰兩賢豈相厄哉孟康曰丁公及彭城賴齮追上

故曰兩賢也師古曰孟說非也兩賢高祖自謂并謂固耳言吾與固俱是賢豈相厄困也故固感此言而止也

雖與賴齮俱追而高祖獨與固言耳丁公引兵而還及項王滅丁

公謁見高祖以丁公徇軍中師古曰徇行示也音辭俊反

曰丁公為項王臣不忠使項王失天下者

也遂斬之曰使後為人臣無傲丁公也

季布

欒布傳

欒布梁人也彭越為家人時嘗與布游師古

曰家人猶言編戶之人也窮困賣庸於齊為酒家保孟康曰酒家作

謂庸作受顧也為保謂保可任使數歲別去而布

為人所略賣為奴於燕為其主家報仇服

曰為買者報仇也燕將臧荼舉以為都尉荼為燕王

布為將及荼反漢擊燕虜布梁王彭越聞

之乃言上請贖布為梁大夫使於齊未反

師古曰漢召彭越責以謀反夷三族梟首雒

陽下詔有收視者輒捕之布還奏事彭越

頭下祠而哭之吏捕以聞上召布罵曰若

與彭越反邪吾禁人勿收若獨祠而哭之

與反明矣師古曰趣趣亨之師古曰趣服方提趨

湯師古曰提舉也舉而欲投之顧曰願一言而

死上曰何言布曰方上之困彭城敗滎陽

成臯間項王所以不能遂西徒以彭王

不布

居梁地師古曰徒但也與漢合從苦楚也師古曰從音子容反當

是之時彭王壹顧與楚則漢破與漢則楚

破且陔下之會微彭王項氏不亡師古曰微無也天

下已定彭王剖符受封之欲傳之萬世宋

祁曰封之之字誤可刪添亦字今漢壹徵兵於梁宋祁曰越本作今帝徵

兵於梁漸本從今彭王病不行而疑以為反反形未

見以苛細誅之臣恐功臣人人自危也今

彭王已死臣生不如死請就亨上乃釋布

拜為都尉孝文時為燕相至將軍布稱曰窮困不能辱身非人也富貴不能快意非賢也於是嘗有德厚報之有怨必以法滅之吳楚反時以功封為郿侯蘇林曰郿音輸清河縣也復為燕相燕齊之間皆為立社號曰樂公社布薨子賁嗣侯師古曰賁音奔孝武時坐為太常犧牲不如令國除

田叔傳

布

田叔趙陘城人也蘇林曰陘音刑其先齊田氏也叔

好劍學黃老術於樂鉅公師古曰姓樂名鉅也公者老人之稱也

為人廉直喜任俠師古曰喜好也音許吏反游諸公師古曰諸公皆

長者趙人舉之劉氏校本云監本杭本舉作廉趙相趙午言

之趙王張敖以為郎中數歲趙王賢之未

及遷會趙午貫高等謀弒上事發覺漢下

詔捕趙王及羣臣反者趙有敢隨王罪三

族唯田叔孟舒等十餘人赭衣自髡鉗隨

王至長安趙王敖事白得出師古曰廢王為

宣平侯宋祁曰一本無王字乃進言叔等十人上召

見與語漢廷臣無能出其右者師古曰材不勝。宋本云

浙本注文作材上說師古曰說讀曰悅也。宋祁刪也字盡拜為郡

守諸侯相叔為漢中守十餘年孝文帝初

立召叔問曰公知天下長者乎對曰臣何

足以知之上曰公長者宜知之叔頓首曰

故雲中守孟舒長者也是時孟舒坐虜大

入雲中免上曰先帝置孟舒雲中十餘年

矣虜常一入孟舒不能堅守無故士卒戰

死者數百人長者固殺人乎叔叩頭曰夫

貫高等謀反天子下明詔趙有敢隨張王

者罪三族然孟舒自髡鉗隨張王以身死

之豈自知為雲中守哉漢與楚相距士卒

罷敝師古曰罷能讀為疲下亦同而匈奴冒頓新服北夷來

為邊寇孟舒知士卒罷敝不忍出言士爭

臨城死敵如子為父以故死者數百人孟

舒豈毆之哉

師古曰毆與驅同言不毆之令戰也

毆之哉之下當有戰字

是乃孟舒所以為長者於是上

曰賢哉孟舒復召以為雲中守後數歲叔

坐法失官梁孝王使人殺漢議臣爰盎景

帝召叔案梁具得其事還報上曰梁有之

乎對曰有之事安在

師古曰索其狀也

叔曰上無以

梁事為問也

師古曰言不須更論之也。劉氏校本云浙本為下無問字

今梁

王不伏誅是廢漢法也如其伏誅太后食

不甘味卧不安席此憂在陛下於是上大

賢之以為魯相相初至官民以王取其財

物自言者百餘人叔取渠率二十人笞怒

之

師古曰渠大也

曰王非汝王邪何敢自言王魯王

聞之大慙發中府錢使相償之

師古曰中府王之財物藏也

相

曰王自使人償之不爾是王為惡而相為

善也

師古曰不爾是則王為惡

魯王好獵相常從入苑中

王輒休相就館相常暴坐死外師古曰於外自暴露而坐

終不休曰吾王暴露獨何為舍王以故不

大出遊宋氏校本云監本杭本大作泰浙本改作大數年以官卒魯

以百金祠少子仁不受曰義不傷先人名

仁以壯勇為衛將軍舍人張晏曰衛青也數從擊匈

奴衛將軍進言仁為郎中宋祁曰新本作郎中監本杭本無至

二千石丞相長史失官後使刺三河還如

曰為刺史於三河郡三河謂河南河內河東也奏事稱意拜為京輔都

田叔

尉月餘遷司直數歲戾太子舉兵仁部閉

城門令太子得亡坐縱反者族師古曰遣仁掌閉城門乃

令太子得出故云縱反也

贊曰以項羽之氣而季布以勇顯名楚身

履軍塞旗者數矣鄧展曰履軍戰勝蹈履之李奇曰塞拔也孟康曰塞斬取

也師古曰謂勝敵拔取旗也鄧李二說皆是塞音騫今流俗書本改履謂屢而加典字云身屢典軍非也。宋

祁曰汪文謂屢當作為屢可謂壯士及至困厄奴僇苟活

而不變何也師古曰僇古戮字也奴僇謂髡鉗為奴而之也彼曰負

其材受辱不羞欲有所用未足也故終
為漢名將賢者誠重其死夫婢妾殘人感
槩而自殺非能勇也師古曰感槩謂感念局其
畫無俚之至耳張晏曰言其計畫道理無所至故
自殺耳蘇林曰俚賴也言其計畫
無所成賴晉灼曰揚雄方言曰俚聊也許慎曰賴也此
為其計畫無所聊賴至於自殺耳師古曰晉說是也
欒布哭彭越田叔隨張敖赴死如歸彼誠
知所處如淳曰太史公曰非雖古烈士何以加
哉
季布欒布田叔傳第七

高五王傳第八

漢書三十八

漢 護 軍 班 固 撰

臺議奏行秘書監駱縣關國子顏 師古 集註

高皇帝八男呂后生孝惠帝曹夫人生齊

悼惠王肥薄姬生孝文帝戚夫人生趙隱

王如意趙姬生淮南厲王長諸姬生趙幽

王友趙共王恢燕靈王建鄭氏曰諸姬姓也張

晏曰非一之稱也師
古曰諸姬德言在姬妾之列者耳其知姓位者史各具
言之不知氏族及秩次者則云諸姬也而趙幽以下三

王非必同母蓋以皆不知其所生之姬姓故惣言之文
三王傳云諸姬生代孝王參梁懷王揖景十三王傳云
屬諸姬子於栗姬此意皆同張云非一近得之矣春秋
左氏傳曰諸子仲子戎子諸子鬻姁此其例也豈以諸
為姓乎鄭說非矣共
讀曰恭其下類此 淮陽厲王長自有傳

齊悼惠王傳

齊悼惠王肥其母高祖微時外婦也師古曰謂與旁

通者高祖六年立食七十餘城諸民能齊言

者皆與齊孟康曰此時流移故使齊言者還齊也師古曰欲其國大故多封之孝

惠二年入朝帝與齊王燕飲太后前置齊

王上坐如家人禮師古曰以兄弟齒列不從君臣之禮故曰家人也坐音材卧反

太后怒廼令人酌兩卮鳩酒置前應劭曰鳩鳥黑身赤

目食蝮蛇野葛以其羽畫酒中飲之立死令齊王為壽齊王起帝亦

起欲俱為壽太后恐自起反卮師古曰反音幡齊

王怪之因不敢飲陽醉去問知其鳩廼憂

自以為為不得脫長安師古曰脫免也言死於長安不得更至齊國也脫音吐活

反內史士曰師古曰內史王官士者其名也太后獨有帝與魯

元公主今王有七十餘城而公主廼食數

城王誠以一郡上太后為公主湯沐邑太后必喜王無患矣於是齊王獻城陽郡以尊公主為王太后師古曰為齊王太后也言以母禮事之所以自媚也解具在惠紀呂太后喜而許之廼置酒齊邸樂飲遣王歸國後十三年薨子襄嗣

趙隱王傳

趙隱王如意九年立師古曰高祖之九年也他皆類此四年高祖崩師古曰趙王之四年呂太后徵王到長安燒殺之

齊悼惠王 趙隱王

無子絕

趙幽王傳

趙幽王友十一年立為淮陽王趙隱王如意死孝惠元年徙友王趙凡立十四年宋

祁曰四字校添友以諸呂女為后不愛愛它姬諸呂

女怒去讒之於太后曰王曰呂氏安得王

師古曰安猶焉也太后百歲後吾必擊之太后怒以

故召趙王趙王至置邸不見令衛圍守之

不得食其羣臣或竊饋之輒捕論之趙王

餓乃歌曰諸呂用事兮劉氏微迫脅王侯

兮彊授我妃我妃既妒兮誣我以惡師古曰惡音一

故讒女亂國兮上曾不寤我無忠臣兮何

故師古曰謂不能明白之也棄國自快中野兮蒼蒼天與直

師古曰天色蒼蒼故曰蒼蒼天言已之理直冀天臨監于

嗟不可悔兮寧阜自賊師古曰賊害也悔不早棄趙國而快意自殺於

乃被幽餓也田野之中今為王餓死兮誰者憐之呂氏絕

趙幽王

理兮託天報仇宋祁曰仇音渠尤反讎也遂幽死以民

禮葬之長安高后崩孝文即位立幽王子

遂為趙王二年有司請立皇子為王上曰

趙幽王幽死朕甚憐之已立其長子遂為

趙王遂弟辟彊及齊悼惠王子朱虛侯章

東牟侯興居有功皆可王於是取趙之河

閒立辟彊是為河閒文王文王立十三年

薨子東王福嗣一年薨無子國除趙王遂

五三十六年孝景時鼂錯以過削趙常山
郡諸侯怨吳楚反遂與合謀起兵其相建
德內史王悍諫不聽遂燒殺德悍師古曰上
云其相建
德內史王悍下云燒殺德悍是為相姓建德名也而景
武功臣侯表云遠侯橫父建德以趙相死事子侯則是
不知其姓表傳不同疑後人
轉寫此傳誤脫去一建字也發兵往其西界欲待
吳楚俱進北使匈奴與連和漢使曲周侯
酈寄擊之趙王城守邯鄲相距七月吳楚
敗匈奴聞之亦不肯入邊爰布自破齊還

趙幽王

并兵引水灌趙城城壞王遂自殺國除景
帝憐趙相內史守正死皆封其子為列侯

趙共王傳

趙共王恢十一年梁王彭越誅立恢為梁
王十六年趙幽王死呂后徙恢王趙恢心
不樂太后以呂產女為趙王后王后從官
皆諸呂也內擅權微司趙王王不得自恣
王有愛姬王后鴆殺之王乃為歌詩四章

今樂人歌之王悲思六月自殺太后聞之
以為用婦人故自殺無思奉宗廟禮廢其
嗣

燕靈王傳

燕靈王建十一年燕王盧縮亡入匈奴明
年立建為燕王十五年薨有美人子師古曰王之美
人生子也太后使人殺之絕後

齊悼惠王子子前後凡九人為王太子襄為

燕靈王

齊哀王次子章為城陽景王興居為濟北
王將閭為齊王志為濟北王辟光為濟南
王師古曰辟音壁又讀曰關賢為菑川王邛為膠西王雄

渠為膠東王齊哀王襄孝惠六年嗣立明
年惠帝崩呂太后稱制元年以其兄子郈
侯呂台為呂王師古曰郈音敷割齊之濟南郡為

呂王奉邑師古曰奉音扶用反他皆類此明年哀王弟章入

宿衛於漢高后封為朱虛侯以呂祿女妻

之後四年封章弟興居為東牟侯皆宿衛
長安高后七年割齊琅邪郡立營陵侯劉
澤為琅邪王是歲趙王友幽死于邸三趙
王既廢高后立諸呂為三王擅權用事章
年二十有氣力忿劉氏不得職嘗入侍燕
飲高后令章為酒吏章自請曰臣將種也
請得以軍法行酒高后曰可酒酣章進歌
舞已而曰請為太后言耕田師古曰欲
申調喻也高后

齊悼惠王二十

兒子畜之

師古曰比
之於子也

笑曰顧乃父知田耳

師古

曰顧念也乃汝也汝父謂高帝也。劉放曰兒子畜之
不以人臣待之也乃父直謂王肥耳下又云齊王自以
兒子年少豈可
以琅邪為父也若生而為王子安知田乎師古
曰若亦
汝也章曰臣知之太后曰試為我言田意

章曰深耕穡種立苗欲疏

師古曰穡種者
言多生子孫也疏立者

四散置之令為
藩輔也概音與非其種者鋤而去之

師古曰以
斥謂呂也

太后默然頃之諸呂有一人醉亡酒

師古曰
避酒而

亡章追拔劔斬之而還報曰有亡酒一人

亡章

亡章

亡章

臣謹行軍法斬之太后左右大驚業已許其軍法亡以罪也因罷酒自是後諸呂憚章雖大臣皆依朱虛侯劉氏為彊師古曰為音于偽反其明年高后崩趙王呂祿為上將軍呂王產為相國皆居長安中聚兵以威大臣欲為亂章以呂祿女為婦知其謀乃使人陰出告其兄齊王欲令發兵西師古曰西詣京師朱虛侯東牟侯欲從中與大臣為內應以誅諸

齊悼惠王

呂因立齊王為帝齊王聞此計與其舅駟鈞郎中令祝午中尉魏勃陰謀發兵齊相召平聞之師古曰召讀曰邵乃發兵入衛王宮魏勃給平曰師古曰給誑也王欲發兵非有漢虎符驗也而相君圍王固善勃請為君將兵衛衛王

師古曰謂將兵及衛守之具以禁衛王令不得發也

召平信之乃使魏勃

將勃既將以兵圍相府召平曰嗟乎道家之言當斷不斷反受其亂遂自殺於是齊

王以駟鈞為相魏勃為將軍祝午為內史
悉發國中兵使祝午給琅邪王曰呂氏為
亂齊王發兵欲西誅之齊王自以兒子年
少不習兵革之事願舉國委大王大王自
高帝將也師古曰言自高帝之時已為將也習戰事齊王不敢
離兵服虔曰不敢離其兵而到琅邪使臣請大王幸之臨菑
見齊王計事并將齊兵以西平關中之亂
琅邪王信之以為然廼馳見齊王齊王與

齊悼惠王下

魏勃等因留琅邪王而使祝午盡發琅邪
國而并將其兵琅邪王劉澤既欺不得反
國乃說齊王曰齊悼惠王高皇帝長子也
推本言之大王高皇帝適長孫也師古曰適讀曰嫡

當立今諸大臣狐疑未有所定而澤於劉
氏最為長年大臣固待澤決計今大王留
臣無為也不如使我入關計事齊王以為
然乃益具車送琅邪王琅邪王既行齊遂

舉兵西攻呂國之濟南於是齊王遺諸侯
王書曰高帝平定天下王諸子弟悼惠王
薨惠帝使留侯張良立臣為齊王惠帝崩
高后用事春秋高聽諸呂擅廢帝更立又
殺三趙王滅梁趙燕以王諸呂分齊國為
四師古曰本自齊國更分為四也忠臣進諫上或亂不
聽令高后崩皇帝春秋富師古曰言年幼也
竭故謂未能治天下固待大臣諸侯今諸呂

齊悼惠王子

又擅自尊官聚兵嚴威劫列侯忠臣矯制
以令天下師古曰橋託也託天子之制詔也橋音矯宗廟以危寡人

帥兵入誅不當為王者漢聞之相國呂產
等遣大將軍穎陰侯灌嬰將兵擊之嬰至
滎陽乃謀曰諸呂舉兵關中欲危劉氏而
自立今我破齊還報是益呂氏資也乃留
兵屯滎陽使人諭齊王及諸侯與連和師古
曰諭謂以待呂氏之變而共誅之齊王聞之

乃屯兵西界待約呂祿呂產欲作亂朱虛
侯章與太尉勃丞相平等誅之章首先斬
呂產太尉勃等乃盡誅諸呂而琅邪王亦
從齊至長安大臣議欲立齊王皆曰母家
駟鈞惡矣虎而冠者也張晏曰言鈞惡矣如虎著冠訪以
呂氏故幾亂天下如傳曰訪猶方也師古曰幾音每依反。劉放曰此訪與公羊
訪於此義同今又立齊王是欲復為呂氏也代王
母家薄氏君子長者且代王高帝子於今

齊悼惠王子一

見在最為長以子則順以善人則大臣安
於是大臣乃謀迎代王而遣章以誅呂氏
事告齊王令罷兵灌嬰在滎陽聞魏勃本
教齊王反既誅呂氏罷齊兵使使召責問
魏勃勃曰失火之家豈暇先言丈人後救

火乎師古曰言以社稷將危故舉兵以臣之不暇待有詔命也。宋祁曰注文以臣之或不作以臣之

因退立股戰而栗師古曰股脚也戰者懼之甚也恐不能言
者終無他語灌將軍執視笑曰人謂魏勃

勇妄庸人耳何能為乎乃罷勃師古曰勃故令去

父以善鼓琴見秦皇帝及勃少時欲求見

齊相曹參家貧無以自通乃常獨早埽齊

相舍人門外舍人怪之以為物而司之得

勃師古曰物謂鬼神司者察視之勃曰願見相君無因故為

子埽欲以求見於是舍人見勃曹參因以

為舍人壹為參御言事以為賢言之悼惠

王王召見拜為內史始悼惠王得自置二

悼惠王

千石及悼惠王薨哀王嗣勃用事重於相

齊王既罷兵歸而代王立是為孝文帝文

帝元年盡以高后時所割齊之城陽琅邪

濟南郡復予齊而徙琅邪王王燕益封朱

虛侯東牟侯各二千戶黃金千斤是歲齊

哀王薨子文王則嗣十四年薨無子國除

城陽景王章孝文二年以朱虛侯興東牟

侯興居俱立二年薨子共王喜嗣孝文十

二年徙王淮南五年復還王城陽凡立三十四年薨子頃王延嗣二十六年薨子敬王義嗣九年薨子惠王武嗣十一年薨。宋祁曰越本子荒王順嗣四十六年薨。宋祁曰越本作十年子戴王恢嗣八年薨子孝王景嗣二十六年薨子哀王雲嗣一年薨無子國絕成帝復立雲兄俚為城陽王。師古曰俚音里王莽時絕。濟北王興居初以東牟侯與大臣共

齊悼惠王子

立文帝於代邸曰誅呂氏臣無功請與太

僕滕公俱入清宮。師古曰滕公夏侯嬰也遂將少帝出

迎皇帝入宮始誅諸呂時朱虛侯章功尤

大大臣許盡以趙地王章盡以梁地王興

居及文帝立聞朱虛東牟之初欲立齊王

故黜其功。師古曰不賞之二年王諸子乃割齊二郡

以王章興居章興居意自以失職奪功歲

餘章薨而匈奴大人邊漢多發兵丞相灌

大...

...

...

嬰將擊之文帝親幸太原與居以為天子
自擊胡遂發兵反上聞之罷兵歸長安使
棘蒲侯柴將軍師古曰柴武擊破虜濟北王王
自殺國除文帝憫濟北王逆亂以自滅明
年盡封悼惠王諸子罷軍等七人為列侯
師古曰罷音皮彼反又讀曰疲至十五年齊文王又薨無子時
悼惠王後尚有城陽王在文帝憐悼惠王
適嗣之絕師古曰適讀曰嫡。宋祁曰浙本絕字下有世字於是乃分齊

悼惠王

為六國盡立前所封悼惠王子列侯見在
者六人為王齊孝王將閭以楊虛侯立濟
北王志以安都侯立菑川王賢以武成侯
立膠東王雄渠以白石侯立膠西王卬以
平昌侯立濟南王辟光以勃侯立服虔曰勃音勑勃平也
原縣也孝文十六年六王同日俱立立十一年
孝景三年吳楚反膠東膠西菑川濟南
王皆發兵應吳楚欲與齊師古曰與之同反齊孝王

狐疑城守不聽三國兵共圍齊張晏曰膠西菑川濟南也

○劉奉世曰吳王濞傳前云膠西膠東與菑川濟南共圍臨菑後云膠西膠東菑川三國各引兵歸則此三國

無濟南王也然初言四國共圍齊又言三國疑必有誤齊王使路中大夫

告於天子張晏曰姓路為中大夫天子復令路中大夫

還報告齊王堅守漢兵今破吳楚矣路中

大夫至三國兵圍臨菑數重無從入三國

將與路中大夫盟曰若反言漢已破矣師古曰

曰若汝也反謂反易其辭也齊趣下三國不且見屠師古曰趣讀曰

齊悼惠王字

況路中大夫既許至城下望見齊王曰漢

已發兵百萬使太尉亞夫擊破吳楚方引

兵救齊齊必堅守無下三國將誅路中大

夫齊初圍急陰與三國通謀約未定會路

中大夫從漢來其大臣乃復勸王無下三

國會漢將欒布平陽侯等兵至齊師古曰平陽侯曹襄

擊破三國兵解圍已後聞齊初與三國有

謀將欲移兵伐齊齊孝王懼飲藥自殺而

膠東膠西濟南菑川王皆伏誅國除獨濟
北王在齊孝王之自殺也景帝聞之以為
齊首善師古曰言其初首無逆亂之心以迫切有謀非其罪
也召立孝王太子壽是為懿王二十三年
薨子厲王次昌嗣其母曰紀太后太后取
其弟紀氏女為王后王不愛紀太后欲其
家重寵師古曰重音直用反令其長女紀翁主入王宮
師古曰諸王女曰翁主而紀氏所生故謂之紀翁主正其後宮無令得近

齊魯惠王季

王欲令愛紀氏女王因與其姊翁主姦齊

有官者徐甲師古曰官者奄人入事漢皇太后張晏曰皇太后

武帝之母皇太后有愛女曰脩成君脩成君非劉

氏子蘇林曰皇太后前嫁金氏所生太后憐之脩成君有女

娥太后欲嫁之於諸侯官者甲乃請使齊

必令王上書請娥皇太后大喜使甲之齊

時主父偃知甲之使齊以取后事亦因謂

甲即事成幸言偃女願得充王後宮甲至齊

風以此事師古曰風讀曰諷紀太后怒曰王有后後

宮備具且甲齊貧人及為官者入事漢初

無補益乃欲亂吾王家且主父偃何為者

乃欲以女充後宮甲大窮還報皇太后曰

王已願尚娥師古曰尚配也然事有所害恐如燕王燕

王者與其子昆弟姦坐死師古曰燕王定國傳云與其子女三人姦子昆

弟者言是其子女又長幼非一故云子昆弟也一曰子昆弟者定國之姊妹也言定國姦其子女及其姊妹。宋祁曰浙

本正文坐死故以燕感太后師古曰言齊王與其姊妹姦終當坐之致死不足嫁

齊悼惠王字

女與之太后曰母復言嫁其姦齊事事浸淫聞於上

師古曰浸古浸字也浸淫猶言漸染也主父偃由此與齊有隙偃

方幸用事因言齊臨苗十萬戶市租千金

師古曰收一市之租直千金也人東殿富鉅於長安師古曰鉅大也非

天子親弟愛子不得王此今齊王於親屬

益疏乃從容言呂太后時齊欲反師古曰從音千容反

及吳楚時孝主幾為亂師古曰幾音鉅依反。宋祁曰自及吳楚止鉅

依反十七字景德本有他本無今聞齊王與其姊亂於是武

帝拜偃為齊相且正其事偃至齊急治王
後宮宦者為王通於姊翁王所者辭及王
王年少懼以罪○宋祁曰越本以作大為吏所執誅乃
飲藥自殺是時趙王懼主父偃壹出敗齊
恐其漸疏骨肉乃上書言偃受金及輕重
之短師古曰輕重謂用心不平天子亦因囚偃公孫弘曰
齊王以憂死無後非誅偃無以塞天下之
望師古曰塞滿也偃遂坐誅厲王立五年國除宋

齊悼惠王子

祁曰新本改五作三

濟北王志吳楚反時初亦與通謀

後堅守不發兵故得不誅徙王菑川元朔中

齊國絕悼惠王後唯有一國城陽菑川菑川

地比齊

師古曰比近也音頻二反

武帝為悼惠王家園在

齊廼割臨菑東園悼惠王家園邑盡以予

菑川

師古曰園謂周繞之

令奉祭祀志立三十五年薨

是為懿王子靖王建嗣二十年薨子頃王

遺嗣三十五年薨子思王終古嗣五鳳中

青州刺史奏終古使所愛奴與八子及諸

御婢姦如淳曰八子要號終古或參與被席師古曰與讀曰豫

或白晝使羸伏犬馬交接師古曰羸者露形體也音郎果反終

古親臨觀產子輒曰亂不可知使去其子

師古曰去除也音立呂反事下丞相御史奏終古位諸侯

王以令置八子秩比六百石所以廣嗣重

祖也而終古禽獸行亂君臣夫婦之別悖

逆人倫師古曰悖乖也音步內反請逮捕有詔削四縣二

悼惠王子

十八年薨子考王尚嗣五年薨子孝王橫

嗣三十一年薨子懷王交嗣六年薨子永

嗣王莽時絕

贊曰悼惠之王去齊最為大國以海內初定

子弟少激秦孤立云藩輔師古曰激感發也音工歷反故

大封同姓以填天下師古曰填音竹刃反時諸侯得自

除御史大夫羣卿以下眾官如漢朝漢獨

為置丞相自吳楚誅後稍奪諸侯權左官

附益阿黨之法設

張晏曰諸侯有罪傳相不舉奏為阿黨師古曰皆新制律令之條也左官解在諸侯王表附益言欲增益諸侯王也其後諸侯唯得衣食

租稅貧者或乘牛車

右將監本杭本越本及三劉宋祁諸

本參校其有同異並附於古註之下

高五王傳第八

蕭何曹參傳第九

漢書二十九

漢 護 軍 班 固 撰

虞議奏行秘書監琅邪縣闔學顏 師古 集註

蕭何傳

蕭何沛人也以文毋害為沛主吏掾

服虔曰為人解

通無嫉害也應劭曰雖為文吏而不刻害也蘇林曰無害若言無比也一日害勝也無能勝害之者晉灼曰酷吏傳趙禹為丞相亞夫吏府中皆稱其廉然亞夫不任

曰極知禹無害然文深不可以居大府蘇說是也師古曰害傷也無人能傷害之者蘇晉兩說皆得其意服應

非也。劉奉世曰持法者或以已意私怨陷人謂之害

故貴於文母害母害者取其為人母害於行則可以為
吏矣文母害者蓋其時擇吏之二事也亞夫所以稱禹
無害廉其一節也故韓信云高祖為布衣時數
無行不得推擇為吏餘說太汎

以吏事護高祖高祖為亭長常佑之師古曰佑助也
言居家時為何所護及為亭長何又擁高祖以吏
助也○宋祁曰注文也字當作之字

絲咸陽師古曰絲讀曰徭徭役也吏皆送奉錢三何獨以

五師古曰出錢以資行他人皆三百何獨五百奉音扶用反秦御史監郡者

與從事辯之張晏曰何與共事備辨明何素有方略也蘇林曰辟何與從事也秦時無

刺史以御史監郡師古曰二說皆同○劉敞曰此句先
題目下事言秦制御御史監郡者凡有事皆與從事共辨

蕭何

之何廼給泗水卒史師古曰泗水郡沛所屬也何為郡卒史事

第一師古曰課最上秦御史欲入言徵何何固請

得毋行孟康曰當還入相秦事故召何也師古曰此說林也御史以何明辨欲因入奏事之次言

於朝廷徵何用之何心不願以及高祖起為沛公情固請而御史止故得不行也

何嘗為丞督事師古曰督謂監視之也何為沛丞專督衆事沛公至

咸陽諸將皆爭走金帛財物之府分之師古曰

何獨先入收秦丞相御史律令師古曰走謂趣也

圖書臧之沛公具知天下院塞戶口多少師古曰走音奏

疆弱處民所疾苦者以何得秦圖書也初
諸侯相與約先入關破秦者王其地沛公
既先定秦項羽後至欲攻沛公沛公謝之
得解羽遂屠燒咸陽與范增謀曰巴蜀道
險秦之遷民皆居蜀廼曰蜀漢亦關中地
也故立沛公為漢王而三分關中地王秦
降將以距漢王○宋祁校本云浙本距字下有塞字漢王怒欲
謀攻項羽周勃灌嬰樊噲皆勸之何諫之

蕭何

曰○宋祁校本云謝郭去之字浙本無之字雖王漢中之惡不猶愈

於死乎師古曰愈勝也漢王曰何為乃死也○宋祁曰乃字疑作

通何曰今眾弗如百戰百敗不死何為周

書曰天子不取反受其咎師古曰周書者本與尚書同類蓋孔子所

刪百篇之外劉向語曰天漢其稱甚美孟康曰語古語

也言地之有漢若天之有河漢名號休美臣瓚曰流俗語云天漢其言常以漢配天此美名也師古曰瓚說是

也天漢河漢也○宋祁曰注文河漢當作天河夫能誦於一人之下而

信於萬乘之上者湯武是也師古曰信讀曰伸古通用字

臣願大王王漢中養其民以致賢人收用
巴蜀還定三秦天下可圖也漢王曰善乃
遂就國以何為丞相何進韓信漢王以為
大將軍說漢令引兵東定三秦宋祁校本云浙本說漢
字下有語在信傳何以丞相留收巴蜀填撫
王王字諭告師古曰填音竹刃反使給軍食漢二年漢王與諸
侯擊楚何守關中侍太子治櫟陽為令約
東立宗廟社稷宮室縣邑輒奏上可許以

蕭何

從事

師古曰可其所奏許其所請依以行事

即不及奏輒以便宜

施行上來以聞

應劭曰上來還乃以所為聞也

計戶轉漕給

軍漢王數失軍遞去何常與關中卒輒補

缺上以此剗屬任何關中事

師古曰剗讀與專同又音章阮反此

即言專聲之急上者也又俗語猶然他皆類此屬音之欲反

漢二年與項羽相距

京索間

師古曰索音山客反

上數使使勞苦丞相

師古曰勞音來

到反决鮑生謂何曰

師古曰鮑生當時有識之士姓鮑而為諸生也

今王暴

衣露蓋數勞苦君者有疑君心為君計莫

若遣君子孫昆弟能勝兵者悉詣軍所上

益信君於是其計漢王大說師古曰說讀曰悅

漢五年已殺項羽即皇帝位論功行封羣

臣爭功歲餘不決上以何功最盛先封為

鄼侯文頴曰音贊師古曰先封何者謂諸功臣舊未爵者何最在前封也鄼屬南陽解在高紀

○宋祁曰索隱鄼氏云鄼屬沛郡音嵯屬南陽音贊又臣瓚按茂書蕭何國在南陽則字當音贊今多呼為嵯也

食邑八千戶功臣皆曰臣等身被堅執

兵多者百餘戰少者數十合攻城略地大

蕭何

小各有差今蕭何未有汗馬之勞徒持文

墨議論不戰顧居臣等上何也師古曰顧猶反也上

曰諸君知獵乎曰知之知獵狗乎曰知之

○宋祁校本云謝郭本去知獵狗乎曰知之七字上曰夫獵追殺獸者

狗也而發縱指示獸處者人也師古曰發縱謂解絀而放

之也指示者以手指示之今俗言放狗縱音子用反而讀者乃為蹤跡之蹤非也書本皆不為蹤字自有逐蹤之狗不待

人發也今諸君徒能走得獸耳功狗也至

如蕭何發縱指示功人也且諸君獨以身

從我多者三兩人蕭何舉宗數十人皆隨
我功不可忘也羣臣後皆莫敢言列侯畢
已受封奏位次皆曰平陽侯曹參身被七
十創攻城略地功最多宜第一上已撓功
臣多封何應劭曰撓屈也師古曰音女教反至位次未有以復
難之然心欲何第一關內侯鄂秋時為謁
者○宋氏校本云浙本作鄂千秋進曰羣臣議皆誤夫曹參
雖有野戰略地之功此特一時之事夫上

蕭何

與楚相距五歲失軍亡眾跳身避者數矣

師古曰跳身謂輕身走出也

然蕭何常從關中遣軍補其

數矣夫漢與楚相守滎陽數年軍無見糧

師古曰無見在之糧

蕭何轉漕關中給食不乏陛下雖

數亡山東蕭何常全關中待陛下此萬世

功也今雖無曹參等百數何缺於漢

師古曰數音所

具漢得之不必待以全柰何欲以一旦之

大...

...

...

...

功加萬世之功哉

○宋祁校本云浙本加字上有而字

蕭何當第

一曹參次之上曰善於是乃令何第一賜

帶劔履上殿入朝不趨上曰吾聞進賢受

上賞蕭何功雖高待鄂君迺得明於是因

鄂秋故所食關內侯邑二千戶封為安平

侯

○宋祁校本云浙本作鄂千秋

是日悉封何父母兄弟十

餘人皆食邑乃益封何二千戶以嘗繇咸

陽時何送我獨贏錢二也

師古曰贏餘也二謂二百也衆人送皆三

蕭何

百何獨五百故云贏二也

陳豨反上自將至邯鄲而韓信

謀反關中吕后用何計誅信語在信傳上

已聞誅信使使拜丞相為相國益封五千

戶卒五百人一都尉為相國衛諸君皆賀

召平獨弔

師古曰召平讀曰邵

召平者故秦東陵侯秦

破為布衣貧種瓜長安城東瓜美故世謂

東陵瓜從召平始也平謂何曰禍自此始

矣上暴露於外而君守於內非被矢石之

難而益君封置衛者以今者淮陰新反於

中有疑君心夫置衛衛君非以寵君師古曰恐其為

變故守衛之。宋氏校本曰浙本句末有也字願君讓封勿受悉以家

私財佐軍何從其計上說師古曰說讀曰悅其秋黥

布反上自將擊之宋氏校本云舊本作上自將軍浙本無軍字數使

使問相國何為師古曰問其居守何所營為曰為上在軍

拊循勉百姓悉所有佐軍如陳豨時師古曰悉盡也

盡所有糧食資用出以佐軍也客又說何曰君滅族不久矣

蕭何

夫君位為相國功第一不可復加然君初

入關本得百姓心十餘年矣皆附君尚復

孳孳得民和師古曰孳字與攷同攷言不怠也。宋氏校本云注文怠一作逮上

所謂數問君疑有者字畏君傾動關中今

君胡不多買田地賤貫資以自汙上心必

安師古曰貫賒也資音土得反。宋氏校本曰浙本云今君不多買田地賤貫資以自汙上心不安

於是其從其計上乃大說師古曰說讀曰悅上罷布

軍歸民道遮行師古曰在道上遮天子行上書言相國彊

賤買民田宅數千人上至何謂上笑曰今相國廼利民民所上書皆以與何曰君自謝民後何為民請曰長安地陜上林中多空地棄願令民得入田毋收橐為獸食師古曰橐禾稈也言恣人田之不收其橐稅也橐音工老反稈音工旱反劉氏曰言毋收橐草為獸食而已上大怒曰相國多受賈人財物為請吾苑乃下何廷尉械繫之數日王衛尉侍如淳曰百官公卿表前問曰相國胡大罪

蕭何

陛下繫之暴也師古曰前問謂進而請也胡何也上曰吾聞

李斯相秦皇帝有善歸主有惡自予今相

國多受賈豎金為請吾苑以自媚於民師古曰媚愛也

故繫治之王衛尉曰夫職事苟有求愛於民

便於民而請之真宰相事也陛下柰何乃

疑相國受賈民錢乎宋本云浙本民作人且陛下距

楚數歲陳豨黥布反時陛下自將往當是

時相國守關中關中搖足則關西非陛下

有也相國不以此時為利乃利賈人之金乎且秦以不聞其過亡天下夫李斯之分過又何足法哉陛下何疑宰相之淺也上不懌師古曰懌悅也感衛尉之言故懌悔而不悅也是日使使持節赦出何何年老素恭謹徒跣入謝上曰相國休矣師古曰令出外自休息相國為民請苑吾不許宋本云越本作相國為民請吾苑不許我不過為桀紂主而相國為賢相吾故繫相國欲令百姓聞吾過高祖

何

崩何事惠帝何病上親自臨視何疾宋祁曰浙本

無親字因問曰君即百歲後誰可代君對曰

知臣莫若主帝曰曹參何如何頓首曰帝

得之矣何死不恨矣何買田宅必居窮僻

處師古曰僻讀曰僻僻隱也為家不治垣屋師古曰垣墻也曰令

後世賢師吾儉不賢母為執家所奪孝惠

二年何薨謚曰文終侯子祿嗣薨無子高

后廼封何夫人同為鄴侯小子延為筑陽

矣

師古曰鄴及魏陽皆南陽縣也今其地並

孝文元年罷同

更封延為鄴侯薨子遺嗣薨無子文帝復

以遺弟則嗣有罪免景帝二年制詔御史

故相國蕭何高皇帝大功臣所與為天下

也

師古曰為治也一曰共造其功業

今其祀絕朕甚憐之其以

武陽縣戶二千封何孫嘉為列侯

宋氏校本武陽

作武嘉則弟也薨子勝嗣後有罪免武帝

元狩中復下詔御史以鄴戶二千四百封

蕭何

何曾孫慶為鄴侯布告天下令明知朕報

蕭相國德也慶則子也薨子壽成嗣坐為

大常犧牲瘦免宣帝時詔丞相御史求問

蕭相國後在者得玄孫建世等十二人復

下詔以鄴戶二千封建世為鄴侯傳子至

孫獲坐使奴殺人減死論成帝時復封何

玄孫之子南繼長喜為鄴侯

蘇林曰繼音人足攀手擗之繼字

鹿縣名也師古曰喜為此縣之長傳子至曾孫王莽敗乃絕

曹參傳

曹參沛人也秦時為獄掾而蕭何為主吏

居縣為豪吏矣師古曰曹參及蕭何並為吏之豪長也高祖為沛

公也參以中涓從如淳曰中涓如中謁者也師古曰涓潔也言其在中主知潔清

泗水之事蓋擊胡陵方與師古曰音房豫攻秦監公

軍大破之孟康曰監御史監郡者公名也晉灼曰案高紀名平也秦一郡置守尉監三人師古

曰公者時人尊稱東下薛擊泗水守軍薛郭

西復攻胡陵取之徙守方與反為魏

擊之豐反為魏攻之賜爵七大夫北擊司

馬欣軍破東取狐父祁善置文穎曰善置置名也晉灼曰祁音抵

師古曰狐父祁二縣名也祁音鉅夷反又音十夷反父音甫置若今之驛也。劉氏校本云欣字誤當作司馬

旦見又攻下邑以西至虞擊秦將章邯車

騎攻轅威及亢父師古曰亢父音抗甫先登遷為五大

夫北救東阿擊章邯軍陷陳追至濮陽攻

定陶取濟南救雍丘擊李由軍破之殺

李由屠秦侯一人章邯破殺項梁也沛公

與項羽引兵而東楚懷王以沛公為碭郡

長將碭郡兵於是乃封參執帛鄭氏曰楚爵也張晏曰孤

也號曰建成君遷為戚公屬碭郡師古曰為戚縣之令

其後從攻東郡尉軍破之成武南擊王離

軍成陽南又攻杜里大破之追北西至開

封擊趙賁軍破之師古曰賁音奔圍趙賁開封城中

西擊秦將楊熊軍於曲遇師古曰曲音丘羽反遇音顛破之

虜秦司馬及御史各一人遷為執珪張晏曰侯伯執

曹參

珪以朝位比之如淳曰呂氏春秋得伍負者位執珪古爵名也從西攻陽武下轅

轅孟康曰尸鄉之從南攻碭與南陽守齮戰陽城郭東應劭

曰今碭取宛虜齮定南陽郡師古曰高紀言南陽守齮降封

為毅矣而此傳言虜從西攻武關峽關取之師古

曰峽音堯前攻秦軍藍田南又夜擊其北軍大

破之遂至咸陽破秦項羽至以沛公為漢

王漢王封參為建成侯從至漢中遷為將

王漢王封參為建成侯從至漢中遷為將

軍後漢定三秦攻下辨故道鄧展曰武都二縣也雍繁

蘇林曰右扶風二縣也擊章平軍於好時南破之圍

好時取壤鄉文穎曰壤地名也擊三秦軍壤東及

高標破之師古曰復圍章平軍出好時走因

擊趙賁內史保軍破之東取咸陽更名曰

新城參將兵守景陵二十三日孟東曰縣名也三秦

使章平等攻參參出擊大破之賜食邑於

寧秦蘇林曰今華陰。宋祁曰監本以將軍引兵

圍章邯廢丘以中尉從漢王出臨晉關至

河內下脩武度圍津師古曰在東郡東擊龍且項

佗定陶破之師古曰且音子餘反佗音徒何反東取碭蕭彭城

擊項籍軍漢軍大敗走參以中尉圍取雍

丘王武反於外黃程處反於燕服虔曰皆漢將師古曰燕

東郡之縣改南燕國音一千反往擊盡破之柱天侯反於衍氏

進破取衍氏擊羽嬰於昆陽追至葉師古曰葉南陽縣也

音式還攻武彊師古曰武彊城在陽武因至滎陽參自漢

大學士

卷之九

卷之九

七

中為將軍中尉從擊諸侯及項王敗還至滎

陽師古曰敗謂戰彭城而敗漢二年拜為假左丞相入屯兵

關中月餘魏王豹反以假丞相宋祁曰浙本假字下有

左字別與韓信東攻魏將孫遨東張蘇林曰東張屬河東

師古曰邀古速字。宋祁曰浙本正文邀字下有軍字大破之因攻安邑得

魏將王襄擊魏王於曲陽追至東垣生獲

魏王豹取平陽得豹母妻子盡定魏地凡

五十二縣賜食邑平陽因從韓信擊趙相

曹參

國夏說軍於鄔東蘇林曰鄔大原縣也師古曰說讀曰悅鄔音一戶反又音乙據

反大破之斬夏說韓信與故常山王張耳

引兵下井陘擊成安君陳餘而令參還圍

趙別將戚公於鄔城中戚公出走追斬之

迺引兵請漢王在所韓信已破趙為相國

東擊齊參以左丞相屬焉攻破齊歷下軍

遂取臨淄還定濟北郡收著潞陰平原鬲

盧師古曰五縣名也時未有濟北郡史追書之耳音音竹庶反又音直庶反潞音它合反鬲與隔同

已而從韓信擊龍且軍於上假密文穎曰或以為高密

大破之斬龍且虜亞將周蘭師古曰亞將次將也定齊

郡凡得七十縣得故齊王田廣相田光其

守相許章及故將軍田既師古曰守相為相居守者韓信

立為齊王引兵東詣陳與漢王共破項羽

而參留軍齊未服者漢王即皇帝位韓信

徙為楚王參歸相印焉高祖以長子肥為

齊王而以參為相國宋祁曰相國字上當有齊字高祖六年

齊參

與諸侯剖符賜參爵列侯食邑平陽萬六

百三十戶世世勿絕參以齊相國擊陳豨

將張敖破之黥布反參從悼惠王將車騎

十二萬與高祖會擊黥布軍大破之南至

蘄還定竹邑相蕭留師古曰四縣名參功凡下二

國縣百二十二得王二人相三人將軍六

人大莫蹠郡守司馬候御史各一人如淳曰蹠音教

張晏曰莫教楚卿號也時近六國故有令尹莫教之官孝惠元年除諸侯相

六國故有令尹莫教之官

國法更以參為齊丞相參之相齊齊七十
城天下初定悼惠王富於春秋參盡召長
老諸先生問所以安集百姓而齊故諸儒
以百數師古曰數音所具反言人人殊參未知所定聞
膠西有蓋公師古曰蓋音古蓋反善治黃老言張晏曰黃帝老子之
使人厚幣請之既見蓋公蓋公為言
治道貴清靜而民自定推此類具言之參
於是避正堂舍蓋公焉師古曰舍止也其治要用

曹參

黃老術故相齊九年齊國安集大稱賢相

蕭何薨參聞之告舍人趣治行師古曰舍人猶家人也

說私屬官主家事者也趣讀曰促謂速也治行謂將行治裝也。宋祁曰斷本注文作猶言家人也吾

且入相居無何使者果召參參去屬其後

相師古曰屬音之故反曰以齊獄市為寄慎勿擾也後

相曰治無大於此者乎參曰不然夫獄市

者所以并容也今君擾之姦人安所容乎

吾是以先之孟康曰夫獄市者兼受善惡若窮極姦人姦人無所容竄反且為亂秦人極刑

而天下畔孝武峻法而獄繁此其效也師古曰老子云

我無為民自化我好靜民小正參欲以道化為本不欲

擾其末也。宋祁曰浙始參微時與蕭何善及

為宰相有隙師古曰參自以戰鬪功多而封賞每

至何且死所推賢唯參參代為相國

舉事無所變更壹遵何之約束師古曰舉皆

擇郡國吏長大孟康曰取訥於文辭謹

厚長者即召除為丞相史吏言文刻深欲

務聲名輒斥去之師古曰日夜飲酒鄉大夫

曹參

以下吏及賓客各見參不事事如淳曰不事來

者皆欲有言至者參輒飲以醇酒師古曰醇

厚酒也音大各反度之欲有言復飲酒醉而後去

飲音於音大各反終莫得開說如淳曰開謂以為常相舍

後園近吏舍吏舍日飲歌呼師古曰呼音大

從吏患之無如何師古曰從吏

廼請參遊後園聞吏醉歌呼從吏

幸相國召按之乃反取酒張坐飲師古曰張

飲也坐音才卧反大歌呼與相和參見人之有細過

掩匿覆蓋之府中無事參子窋為中大夫

師古曰窋音張律反惠帝怪相國不治事以為豈少朕

與師古曰言豈以我為年少故也與讀曰歟廼謂窋曰女歸試私

從容問乃父師古曰乃汝也曰高帝新棄羣臣帝

富於春秋君為相國日飲無所請事何以

憂天下然無言吾告汝也窋既洗沐歸時

間自從其所諫參師古曰間謂空隙也自從其所猶言自出其意也參

日參

怒而答之二百曰趣入侍師古曰趣讀曰促天下事

非乃所當言也至朝時帝讓參師古曰讓責也曰

與窋胡治乎師古曰胡何也言共窋為何治也治音丈吏反乃者我使

諫君也師古曰乃者猶言曩者參免冠謝曰陛下自察

聖武孰與高皇帝上曰朕乃安敢望先帝

參曰陛下觀參孰與蕭何賢宋祁曰浙本觀參字下有能

字上曰君似不及也參曰陛下言之是也

且高皇帝與蕭何定天下法令既明具陛

下垂拱參等守職遵而勿失不亦可乎惠帝

曰善君休矣師古曰且參為相國三年薨謚

曰懿侯百姓歌之曰蕭蕭何為法講若畫一

文穎曰講或作較師古曰講和也畫一言整齊也曹參代之守而勿失

載其清靖民以寧壹師古曰載猶乘也窋嗣侯高

后時至御史大夫傳國至曾孫襄武帝時

為將軍擊匈奴薨子宗嗣有罪完為城旦

至哀帝時乃封參玄孫之孫本始為平陽

侯二千戶王莽時薨子宏嗣建武中先降

河北封平陽侯至今八侯劉放曰八侯字疑衍

贊曰蕭何曹參皆起秦刀筆吏師古曰刀所

者用簡牒故吏皆以刀筆自隨也當時錄錄未有奇節師古曰錄錄猶

鹿鹿言在凡庶之中也漢興依日月之末光師古曰易文

而萬物觀又曰見龍在田天下文明贊言何參值漢初興故以日月為喻耳何以信謹

守管籥參與韓信俱征伐師古曰高祖出征何每居守故言守

管籥天下既定因民之疾秦法順流與之更

始三人同心遂安海內淮陰黥布等已滅

唯何參擅功名位冠羣后聲施後世師古曰冠謂居

三首。宋本云世或作代為一代宗臣師古曰言為後世之所尊仰故曰宗臣也慶

流苗衷 矣哉

右將監本杭本越本及三劉宋祁諸

本參校其有同異並附於古註之下

蕭何曹參傳九

